

病有人睡覺目赤腫良久則無事以人臥則
到肝故睡起而目赤良久無事者血復散四肢也以地黃
粥服之爲愈

方地黃粥

生地黃不拘多寡搗絞自然汁浸粳米滲透晒極乾再浸
再晒凡三度每用磁器煎湯一升令沸入前米一合熬成
稀粥食遠進下食之日久使肝血清涼

治稻麥芒悞入口中入喉難出以鵝涎灌下卽消

○邪祟

邪祟之症皆由氣血不足心神虧敗乘虛所襲而致又有痰火
上冲迷塞心竅阻窒經隧妨碍升降以致十二官各失其職而
言動視聽皆虛妄似乎邪祟之狀若以邪祟治之必死不救蓋

由內火拂鬱不得外泄。加之符水之寒。閉密膚腠。火熱愈不得舒。其熱愈熾。兼加法尺之聲。以驚其神。內外搔擾。不得寧息。神愈不安。是以多致不救。醫者患家。而宜審焉。

○脉症兩詳

脉乍疎乍數。乍大乍小。或促或結。皆邪脉也。

脉緊而急者。遁死。

邪祟之症。皆由正氣虧敗。邪乘虛入。必須補正氣。養心神爲是。故經云。邪之所湊。其氣必虛。養正而邪自除是也。

邪祟之症。在內必須養正氣。在外以秦丞相灸鬼法治之。其法以大拇指並齊。用細麻繩縛定。以大艾炷置於兩甲界。及兩指角肉際周圍。一齊著火。灸七壯神効。但著火。必要四面一齊同燒著艾。如有一處不著。卽無効也。

治一切邪病。皆由正氣虧敗。邪乘虛入。法當養正氣。安心神。為主。是以用人參。白朮。養正氣。安魂魄。鎮心神。辟邪氣。殺鬼魅。以養心血。

方辟邪丹

人參 三兩

當歸 二兩五錢

白朮 三兩

茯神 二兩

桃奴 五錢

麝香 五錢

遠志 一兩

牛黃 五錢

菖蒲 一兩

金箔 三十張

雄黃 五錢

辰砂 五錢

蒼朮 兩半

鬼箭羽

右件共爲細末。酒調米糊爲丸。如龍眼大。用金箔爲衣。臨臥時。木香煎湯化下一丸。或二丸。以絳紗囊盛五十九。懸於床帳中。

附三方。俱辟邪祟。

〔方〕千緒湯

牙皂 二錢

半夏 二錢

生甘草 七分

右咬咀。加生薑三片。水煎熟溫服。

〔方〕導痰湯

橘紅 二錢

枳殼 二錢

半夏 一錢

茯苓 一錢

南星 八分

生甘草 一錢

咬咀。加生薑三片。水煎熟溫服。

〔方〕二陳湯

橘紅 三錢

半夏 二錢

茯苓 二錢

甘草 一錢

右咬咀。加生薑三片。水煎熟溫服。

內科終

外科

○諸瘡

夫癰疽瘡癤腫毒皆由五臟六腑蓄積熱毒及過用灸燔酒麵
溫床厚被盡力房勞精氣虛耗及膏粱并消渴及血液衰之之
人則多有矣非特榮衛壅塞而發者經曰諸痛瘡瘍皆屬心火
又云榮氣不和逆於肉理乃生癰腫又云六腑不和留結爲癰
爲其血氣凝滯也其行也有處其主也有端假令發於喉古者
心之毒發於皮毛者肺之毒發於肌肉者脾之毒發於骨髓者
腎之毒發於下者陰中之毒發於上者陽中之毒發於外者六
腑之毒發於內者五臟之毒故內曰壞外曰潰上曰從下曰逆
發於上者得之速發於下者得之緩感於六腑則易治感於五
臟則難療也近骨者多冷久不愈則化成血蟲近虛者多熱久

不愈則傳氣成漏。若成蠱者。則多痒少漏。或先痒後漏成漏者。則多漏少痒。或疼不痒。內虛外實者。多漏少痒也。血不止則多。外膿疾潰則多生。若吐逆無度。飲食不進。皆瘡毒使然。蓋癰者大而淺。其毒稍輕。疽者小而深。其毒最重。癰者尤輕。諸瘡惟發。順皆疽。疔瘡最爲重症。其初發也。寒熱交作。或痒或漏。凡風多則痒。熱多則痛。其不痛者。乃爲惡症。如背疽始生。如黍大。纏覺便用艾於痛處灸至痒。痒灸至痛。使毒氣隨火而散。若失之於初。瘡勢已成。腫蔓開大。必須內托毒氣。外用針刀去其黑肉。使不腐爛爲佳。其項疽。癰氣疔瘡。癰歷馬刀。臂癰。肋癰。臂癰。腎癰。便毒。牙癰。腹癰。腸胃癰。肺癰。坐馬癰。皆毒氣鬱積於內。發而爲此。治各隨其經絡部分。用藥解毒消潰。若氣血弱者。當補其氣。血爲先。不可妄行通利。瘡疥癰疾。乃風熱黃膿。肥瘡乃濕熱之

故治宜消毒散熱。有外臙瘡久不愈者。多是腎水流注。及脾濕潰溢。治須散濕消毒。大凡嘔逆不食。乃毒氣衝心。以護心散托裏消毒。最爲神妙。瘡疽疼痛。世多以乳香沒藥。取其珍貴。可以止痛。殊不知寒熱虛實。皆能爲痛。臨病制宜。各有方法。豈可一概用此香燥之藥乎。蓋寒邪之痛。治以溫熱之藥。熱毒之痛。治以寒涼之劑。因風者祛之。因濕者滲之。燥者潤之。寒者通之。虛則補之。實則瀉之。膿鬱而閉。用針越之。惡肉侵蝕。則引去之。陰陽不和者。調之。經絡閉滯者。刺之。應機而發。其痛立止。不可執一而無權也。症有五善七惡。亦不可不察也。煩燥時。救腹痛渴甚。而喘眼角向鼻。瀉利無度。或小便如淋。一惡也。膿血大泄。腫炊尤甚。膿血敗臭。痛不可近。及氣綿綿。而脉濡與病相反。二惡也。喘促短氣。恍惚嗜臥。三惡也。目視不正。黑睛紫小。白睛反青。

瞳子上看睛明陷四惡也。肩項不便四。肢沉重五惡也。不能下
食服藥則嘔食不知味六惡也。聲嘶色散口鼻青赤面目四肢
浮腫未潰肉黑而陷已潰青腐而筋骨黑七惡也。靜息自寧飲
食知味一善也。膿潰腫消色鮮不臭二善也。便利調勻三善也。
神彩精明語言清爽四善也。氣體和平五善也。若五善見三則
差七惡見四則危。然則病有源同七惡皮緊急者如善病有源
同五善皮緩虛者如惡發背透膜者必唇黑便汚者必潰喉者
不治陰又腹者不治。囊入者必髮深寸餘者不治。在頤後一寸
三分毒銳者不治。大抵血氣聞香則行聞臭則逆。瘡家本自腥
穢又加臭惡因而相觸反成大患。毒氣入胃令人咳逆。古人用
香可謂有理。且如飲食之中調令香美益其脾胃養其真元可
保無虞所忌者作勞吐怒嗜慾澡沐并炙煖酒麵牛羊鷄鵝魚

鮮脈氣之人孕婦經行婦人孝子僧道之類攻療之法外科精
要精義憊息其理宜此求焉經曰傷東南風西南風之變則爲
癰腫也

○脉症詳說

脉經曰脉數身無熱內有癰也

又云腹無積聚身熱脉數此爲腸中有膿宜薤苳敗醬附子湯

主之

又云諸浮數脉應當發熱反洒淅惡寒若有痛處當發癰膿

又云脉微而遲反發熱弱而數反振寒當發癰腫

又云脉浮而熱身體無熱形嘿嘿胸中微燥不知痛之所在此

人當發癰腫

又云脉滑而數數則爲熱滑則爲實數則主衛滑則主榮榮衛

相逢則結爲癰熱之所過則爲膿也。

癰疽由陰陽相滯而生。蓋氣陽也。血陰也。氣行脉外。血行脉內。相並周流循環不息。若寒與濕搏之。則凝泣而行遲。乃爲不及。若寒爲火搏之。則沸騰而行速。乃爲太過。若氣得邪而鬱。則津液稠沾爲疾。爲飲積久。滲入脉中。血爲之濁。此陰滯於陽也。若氣得邪而鬱。則隧道阻隔。或滯或結。積久滲出脉外。氣爲之亂。此陽滯於陰也。陽滯於陰。其脉浮洪。弦數。陰滯於陽。其脉沉弱細澀。陽滯以寒治之。陰滯以熱治之。百病皆由是而生。不特癰疽而已。在乎臨症細詳。不可拘於一法。

如感地之濕氣而癰腫者。其源在外。盛則外行。如脉沉實。當先疎內以絕其源。若脉浮大。當先托裏以咳邪氣內侵。

凡癰之毒淺者其邪惟壅遏於經脉之間而傳於外是以初發身表便熱其毒高腫外形甚者縱欲下陷緣正氣內固不密是以或便閉或發渴發逆以拒之其骨髓終不焦枯而臟腑終無損壞

凡疽之毒深者其邪內壅五臟而不專攻于外是以身無熱毒或不高腫甚者聲嘶色脫眼黑青小及十指腫黑其症必死不治

凡諸癰疽發於何經上當求救何經不可干擾別外餘經。凡患瘡毒昏冒者此乃毒氣上攻宜汗之可愈。

凡瘤有氣血之分如瘤軟不痛者曰血瘤如發瘤日漸增長而不火熱時時牽痛者曰氣瘤久而不消後亦成膿。

凡諸癰瘤癰贅等至年衰時皆自內潰急當治於年壯時。

凡瘡疽痛息自寧。飲食知味。脉症俱緩。可以王道平和之藥。徐而治之。以理其本。設脉實。燠腫煩燥寒熱。脉症俱實者。又非王道所宜。當硝黃猛烈霸藥。以攻其標。如若聚腫不潰。或潰而腫膿水清稀。或瀉利腸鳴。飲食不入。嘔吐無時。或手足並冷。此乃極虛之症。當以大補之劑為主。不可誤用硝黃。全在詳其表裏虛實。庶得萬全。

凡諸毒潰後。內有腐肉。必須去之。蓋腐肉不去。新肉不生。乃推陳致新之意也。

凡去腐肉。用平法去之。或用雄黃輕粉敷之。

凡蠱肉齧出者。遠志末調塗之。或以烏頭五錢。苦酒三升。浸漬二日夜。洗之。日夜五七度。

凡治大毒藥無全功。必須鎔灸。蓋灼艾之功甚大。能使毒散滯。

行。是以謂大毒。若不鍼灸。則毒氣無由而散。膿瘀無從而泄。故此必假火力。始能成功。是以灸法。治未潰。能拔引鬱毒。行散滯氣。使毒未潰已潰。能接引陽氣。祛散寒邪。使瘡口易合也。

治諸毒惡瘡癰疽。以五香連翹湯。

沉香

三分

乳香

四分

生甘草

五分

木香

四分

麝香

另研

連翹

黃芪

升麻

各錢半

獨活

麝干

桑寄生

木通

各一錢

藿香

五分

丁香

三分

大黃

酒煨。量人虛實。增減。酌用。

右咬咀。水煎熟。食後溫服。

治癰疽發背。一切惡腫。以千金托裏散主之。

方千金托裏散

官桂

人參

甘草節

川芎

白芷

芍藥

各八分

木香

沒藥

乳香

各四分

當歸

連翹

黃芪

各一錢

防風

桔梗

厚朴

各六分

右咬咀。用水酒各半煎熟。不拘時服。

〔病〕

一切惡瘡。癰疽腫毒。初覺不消。憎寒疼痛。以赤芍藥散。

〔方〕

赤芍藥散

金銀花

一錢五分

大黃

看虛實酌用

當歸

赤芍

瓜蒌仁

枳實

各一錢

甘草

生五分

右咬咀。用水酒各半煎熟。不拘時服。

〔治〕

發背腦瘡。始覺者能消之。以黃連消毒湯。

〔方〕

黃連消毒湯

黃連

黃芩

當歸

桔梗

各一錢

生地

知母

藁本

防已

羌活

獨活

防風

連翹

人參

瀉澤

甘草

蘇木

橘皮

黃芪

黃蘗

各七分

右咬咀。水煎熟。食前溫服。

病發背及諸瘡大渴。此血液衰耗也。以竹葉黃芪湯。或黃芪六

一湯主之。

方見三卷內

〔方〕竹葉黃芪湯

淡竹葉

川芎

黃芩

各五分

生地黃

黃芪

人參

各一錢

麥冬

八分

當歸

六分

白芍藥

各四分

甘草

生

石膏

各四分

右咬咀。用竹葉七片。水煎熟。食遠溫服。

病發背惡瘡。托裏止痛排膿。宜金銀花散治之。

〔方〕金銀花散

金銀花 四錢

甘草 八分

右剉一劑。用水酒各半煎熟。食前溫服。

〔病〕發背後防咽喉口舌生瘡。甚至黑爛。以犀角玄參之類。

〔方〕犀角玄參散

犀角 玄參 升麻 黃芪 赤芍藥

麥門冬 當歸 各八分 甘草 大黃 微炒各五分

右㕮咀。水煎熟。食後溫服。

〔病〕諸般惡瘡出血多而心煩不得眠。乃亡血故也。以聖愈湯

治之。

〔方〕聖愈湯

生地黃 熟地黃 人參 當歸 各一錢

煎服。如已潰。加黃芪。

〔病〕氣毒濕毒。流注遍身。攻腫。以消毒流氣飲主之。

〔方〕消毒流氣飲

黃芪 一錢 當歸 川芎 白芷 人參

防風 桔梗 烏藥 檳榔 白芍藥

枳殼 厚朴 官桂 木香 紫蘇

生甘草 各四分

右咬咀。用水酒各半煎熟。食遠溫服。

〔病〕諸腫瘡毒。心神恍惚。不得安臥。以內補寧神湯主之。如日夜

不睡。加酸枣仁一錢。

〔方〕內補寧神湯

黃芪 麥門冬 川芎 當歸 茯苓 人參